

新聞出版改革發展項目庫（項目號：0020121580）

財政部文化產業發展專項資金重點資助項目


天一閣藏古籍珍本數字出版工程

龔延明 主編

天一閣藏

明代科舉錄選刊

鄉試錄（七）



新聞出版改革發展項目庫（項目號：0020121580）
財政部文化產業發展專項資金重點資助項目
天一閣藏古籍珍本數字出版工程

龔延明 主編

天一閣藏

明代科舉錄選刊

鄉試錄（七）

寧波出版社

本册目錄

萬曆四年江西鄉試錄	5363
萬曆七年江西鄉試錄	5399
成化七年湖廣鄉試錄	5438
成化十六年湖廣鄉試錄	5466
弘治五年湖廣鄉試錄	5486
弘治十一年湖廣鄉試錄	5512
正德十一年湖廣鄉試錄	5542
正德十四年湖廣鄉試錄	5573
嘉靖七年湖廣鄉試錄	5604
嘉靖十年湖廣鄉試錄	5636
嘉靖十九年湖廣鄉試錄	5664
嘉靖二十二年湖廣鄉試錄	5699
嘉靖二十五年湖廣鄉試錄	5735
嘉靖三十一年湖廣鄉試錄	5772
嘉靖三十七年湖廣鄉試錄	5808
萬曆元年湖廣鄉試錄	5843
萬曆十年湖廣鄉試錄	5880
永樂十八年浙江鄉試錄	5919
天順六年浙江鄉試錄	5946
成化七年浙江鄉試錄	5971

成化十年浙江鄉試錄	5996
成化十三年浙江鄉試錄	6024
成化十六年浙江鄉試錄	6054
成化十九年浙江鄉試錄	6083
成化二十二年浙江鄉試錄	6111
正德五年浙江鄉試錄	6138
正德八年浙江鄉試錄	6171
嘉靖七年浙江鄉試錄	6203
嘉靖七年浙江同年錄	6236
嘉靖十三年浙江鄉試錄	6245

萬曆四年江西鄉試錄

江西鄉試錄序

江以西大郡十餘蓋古荆揚之域云自廬陵南豐諸君子卓然以古文詞名家而江右之文遂重天下其後鹿洞鵝湖之間相與考道講業學士復靡然趨之一變而為性命之學流風遺教至于今未艾也明興二百年來通儒碩輔往往出其間而解士制額亦較佗藩為獨盛豈不謂好學有文斌斌多材賢之國哉維岳不佞心嘗鄉往之矣乃萬曆丙子秋天下當大比士巡按江西監察御史張簡走幣四方徵維岳與教諭鄭卿為考試官李道焯諸鑄陳傑薄思忠姚一新姚光虞馮季兆郭應翰曾傳段公袞為同考試官以布政司左布政使柴涑右布政使何子壽提調之按察司副使魏體明李臺監之他百執事畢受約束已乃進提學副使莊國禎所簡士幾三千人人棘三試之而屬維岳等校焉於是維岳始獲縱觀夫此邦賢士之文以快其所嘗鄉往之志遵故事拔俊九十五人授御史以獻是九十五人者業已稱俊無論已即其他并舉爭驅者大抵擷藝籍之餘芬究性道之眇緒殆人人能也夫江右士之間於文學固以生諸君子之後雅化使然至於今其亦可謂極盛矣雖然維岳於諸士竊願有言焉昔者孔子喟周末之文欲從先進且不輕以君子與篤論蓋文詞之不足多也如此方今承恬襲熙操觚之士盈於宇內雕章綴辭日趨於浮巧而渾厚惘惘之意顧若少衰憂世者颺颺欲亟挽之然則有司者敢謂今日之文為盡足以得士而諸士亦可自多其文之舉於有司云爾哉且凡有所為舉士上之毗主匡時次之展采錯事又其下不失為廩廩質行之流乃其文直羔雉爾吾無暇遠引第即子鄉往哲論之彼其倡明性命者豈徒以談辯相雄長要皆操行修潔晰義利於秋毫歐陽子號文章家而其嘆昔人之工文章者至擬之木榮之飄風鳥音之過耳考其裊身事主道德勛業咸炳炳可稱述此所謂有本之言而有用之文也諸士果能景行前修潛心實踐異日隨牒而吏即以其言徇職下則庶幾哉不愧言不辱舉而江右士益重矣若第操空文游詞以梯榮媒進既即蔽帚視之則國家廣厲博采之謂何無亦倘先資而負上意乎夫

選士稱掄材尚矣荆揚之貢寔惟栝柏篠簜登諸職方而漢以豫章名其郡蓋材藪也諸士亦知夫材乎適棟而棟適桷而桷輻湊并運以共天府乃若曼理竅衷不中繩斧即扶疏百尋之木將作氏且不□弃之謂無適也然則飾文鮮實之士何以异此蓋古之諸侯貢士于天子任之而任亦曰適不適則譴訶及焉今主上明聖方將修舊典以掄真材凡我諸士尚懋戒之其無使有司者抵不適之咎哉是舉也先巡撫江西右副都御史今升工部右侍郎楊成今巡撫右副都御史潘季馴提督南贛軍務右副都御史江一麟先後保厘相與宣風猷以厲文教清軍御史侯堯封將指申度士知嚮方若左參政盧仲佃右參政陶幼學侯于趙左參議沈奎副使朱茹馮叔吉僉事王徽猷霍與瑕參將郭堅署都指揮僉事胡忠張榜則皆協襄于外右參議王問臣副使王象坤署都指揮□僉事陳道以入□行按察使金立敬右參政張士佩以遷秩行皆先與有勞焉刑部郎中史檣戶部主事史繼志周嘉謨程沂中書舍人姚士觀行人楊四知則皆以使事至而欣觀其盛者於法得并書

湖廣衡州府桂陽州儒學學正馮維岳謹序

萬曆四年江西鄉試

監臨官

巡按江西監察御史張簡（易從直隸靜海縣人 戊辰進士）

提調官

江西等處承宣布政使司左布政使柴涑（季東光祿寺籍浙江鄞縣人 丙辰進士）

江西等處承宣布政使司右布政使何子壽（康伯錦衣衛官籍山西交城縣人 己未進士）

監試官

江西等處提刑按察司副使魏體明（用晦福建侯官縣籍福清縣人 乙丑進士）

江西等處提刑按察司副使李臺（國佐浙江壽昌縣人 壬戌進士）

考試官

湖廣衡州府桂陽州儒學學正馮維岳（汝瞻湖廣江陵縣人 甲子貢士）

河南南陽府泌陽縣儒學教諭鄭卿（上卿山西長治縣人 甲子貢士）

同考試官

山東濟南府章丘縣儒學教諭李道焯（亨甫直隸濬縣人 辛酉貢士）

浙江衢州府西安縣儒學教諭諸鏞（鼎臣直隸上海縣人 戊午貢士）

湖廣岳州府澧州慈利縣儒學教諭陳傑（位卿四川成都縣人 戊午貢士）

福建福州府長樂縣儒學教諭薄思忠（孝孚浙江錢塘縣人 乙卯貢士）

湖廣承天府京山縣儒學教諭姚一新（文初浙江慈谿縣人 辛酉貢士）

廣西慶遠府宜山縣儒學教諭姚光虞（繼如廣東南海縣人 乙卯貢士）

河南南陽府鎮平縣儒學教諭馮季兆（汝行浙江慈谿縣人 甲子貢士）

廣東瓊州府崖州感恩縣儒學教諭郭應翰（爲憲廣西懷集縣人 癸酉貢士）

湖廣德安府隨州應山縣儒學教諭曾傳（子遇四川德陽縣人 丁卯貢士）

雲南永昌府保山縣儒學教諭段公袞（佑賢貴陽府籍浙江海鹽縣人 甲子貢士）

印卷官

江西等處承宣布政使司經歷司經歷陳汶（子文浙江分水縣人 歲貢）

江西等處提刑按察司經歷司經歷游希賢（及夫福建莆田縣人 吏員）

收掌試卷官

南昌府知府周良臣（忠甫湖廣公安縣人 乙丑進士）

袁州府知府鄭惇典（維敕福建侯官縣人 壬戌進士）

臨江府知府周大烈（元佐湖廣大冶縣人 乙丑進士）

吉安府知府張振之（仲起直隸太倉州人 己未進士）

撫州府知府王燮（大理浙江山陰縣人 壬戌進士）

廣信府知府姚體信（汝達浙江平湖縣人 丙辰進士）

受卷官

九江府知府李得陽（伯英直隸廣德州人 乙丑進士）

南安府知府陳誥（守巽福建莆田縣人 乙丑進士）

南昌府同知顧其志（太冲直隸長洲縣人 辛未進士）

南昌府南昌縣知縣李得祜（天吉四川宜賓縣人 甲戌進士）

南昌府新建縣知縣詹沂（浴之直隸宣城縣人 辛未進士）

南昌府豐城縣知縣顧九思（與睿直隸長洲縣人 辛未進士）
 臨江府新喻縣知縣李大吉（九彰浙江仁和縣人 辛未進士）
 建昌府南豐縣知縣鄭秉厚（子載浙江遂昌縣人 辛未進士）

彌封官

廣信府同知林敬冕（紹周福建莆田縣人 戊辰進士）
 南昌府進賢縣知縣俞嘉言（彰甫浙江餘姚縣人 辛未進士）
 臨江府新淦縣知縣陳奇謀（嘉猷浙江秀水縣人 甲戌進士）
 吉安府廬陵縣知縣方肯堂（子升廣東南海縣籍番禺縣人 辛未進士）
 吉安府泰和縣知縣唐伯元（仁卿廣東登海縣人 甲戌進士）
 撫州府金谿縣知縣唐本堯（世承直隸上海縣籍華亭縣人 辛未進士）
 廣信府鉛山縣知縣陸夢熊（伯祥浙江餘姚縣人 辛未進士）
 廣信府貴溪縣知縣顧起淹（師範直隸吳縣籍崑山縣人 甲戌進士）

騰錄官

南昌府推官常居敬（汝一湖廣江夏縣人 甲戌進士）
 吉安府推官朱鴻謨（文甫山東益都縣人 辛未進士）
 瑞州府高安縣知縣王煥（子質湖廣咸寧縣人 辛未進士）
 吉安府吉水縣知縣江沛然（應吾湖廣江夏縣籍黃岡縣人 辛未進士）
 吉安府萬安縣知縣譚希思（子誠湖廣茶陵州人 甲戌進士）
 吉安府永新縣知縣龔錫爵（汝修直隸嘉定縣人 甲戌進士）
 撫州府臨川縣知縣朱讓（次夔廣東南海縣人 甲戌進士）
 建昌府南城縣知縣范涑（原易直隸休寧縣人 甲戌進士）

對讀官

建昌府推官毛在（以明直隸太倉州人 甲戌進士）
 九江府推官馬貫（道卿直隸吳江縣人 甲戌進士）
 臨江府清江縣知縣郭惟賢（哲卿福建晉江縣人 甲戌進士）
 吉安府安福縣知縣倪涑（霖仲浙江上虞縣人 甲戌進士）
 撫州府宜黃縣知縣廖希元（伯才湖廣藍山縣人 辛未進士）
 廣信府上饒縣知縣王炳璿（幼文直隸崑山縣人 甲戌進士）
 廣信府永豐縣知縣蔡國炳（誠中福建晉江縣人 甲戌進士）
 廣信府弋陽縣知縣程有守（彥平直隸歙縣人 甲戌進士）

巡綽官

南昌衛指揮僉事費懋平（民倚江西鉛山縣人）

袁州衛指揮僉事葛龍（子化直隸和州人）

袁州衛指揮僉事王重喜（元吉山東武定州人）

撫州守禦千戶所指揮僉事仰公顯（士達直隸合肥縣人）

搜檢官

南昌衛指揮使魏元佐（汝相湖廣應山縣人）

南昌衛署指揮同知李宣（承詔直隸武清縣人）

南昌衛署指揮同知趙焯（文明直隸全椒縣人）

南昌衛左所百戶郎光祖（以德直隸和州人）

供給官

江西都指揮使司經歷司都事黎應登（用卿浙江烏程縣人 監生）

江西等處承宣布政使司理問所理問石世安（文甫河南項城縣人 監生）

江西等處提刑按察司經歷司知事葉浙（東卿直隸祁門縣人 監生）

吉安府通判王夢麟（維振福建閩縣人 庚午貢士）

臨江府推官華峰（子奇直隸鳳陽中衛人 丁卯貢士）

南康府推官吳邦（子經浙江錢塘縣人 甲子貢士）

南昌府奉新縣知縣陳隼（以奇福建長樂縣人 乙卯貢士）

吉安府永豐縣知陸充齡（子久浙江烏程縣人 壬子貢士）

撫州府崇仁縣知縣陳應梅（汝魁福建莆田縣人 辛酉貢士）

南昌府經歷司經歷童養浩（汝充湖廣施州衛人 歲貢）

廣信府經歷司經歷楊延年（子壽直隸臨淮縣人 恩貢）

九江府照磨所檢校曹慶萃（德甫湖廣宜都縣人 儒士）

南昌衛經歷司經歷陳達欽（元聰福建莆田縣人 吏員）

南昌府新建縣縣丞陳啓（秉開湖廣醴陵縣人 恩貢）

南昌府武寧縣縣丞魯近敏（子明湖廣孝感縣人 監生）

袁州府萍鄉縣縣丞祝繼仁（汝榮浙江山陰縣人 知印）

撫州府金谿縣縣丞洪闢（藏之湖廣攸縣人 歲貢）

廣信府上饒縣縣丞陳茂蕙（毓英福建漳平縣人 歲貢）

南昌府南昌縣主簿彭堯用（任之直隸石埭縣人 監生）

南昌府新建縣主簿張學（子成浙江歸安縣人 監生）

南昌府南昌縣典史童良（成夫浙江山陰縣人 吏員）

南昌府新建縣典史鄭宗秀（廷茂福建閩縣人 吏員）

吉安府廬陵縣典史戴兆蔭（本源直隸建陽衛籍當塗縣人 吏員）

撫州府臨川縣典史汪伯川（一吏湖廣黃岡縣人 吏員）

南昌府南浦遞運所大使楊守仁（汝德湖廣松滋縣人 吏員）

南昌府新建縣樵舍驛驛丞周點（復賢浙江鄞縣人 承差）

第一場

四書

夫子循循然善誘人博我以文約我以禮欲罷不能既竭吾才如有所立卓爾 唯天下至誠爲能化 堯以不得舜爲己憂舜以不得禹皋陶爲己憂夫以百畝之不易爲己憂者農夫也分人以財謂之惠教人以善謂之忠爲天下得人者謂之仁

易

天地以順動故日月不過而四時不忒聖人以順動則刑罰清而民服豫之時義大矣哉 上九鼎玉鉉大吉無不利象曰王鉉在上剛柔節也 天地設位而易行乎其中矣 精義入神以致用也利用安身以崇德也過此以往未之或知已窮神知化德之盛也

書

臣哉鄰哉鄰哉臣哉禹曰兪帝曰臣作朕股肱耳目 浮于積石至于龍門西河會于渭汭 極之敷言是訓是行以近天子之光 三后協心同底于道道洽政治澤潤生民

詩

七月鳴鵙八月載績 我黍與與我稷翼翼我倉既盈我庾維億 有馮有翼有孝有德以引以翼豈弟君子四方爲則 宣哲維人文武維后燕及皇天克昌厥後綏我眉壽介以繁祉

春秋

夏公會宰周公齊侯宋子衛侯鄭伯許男曹伯于葵丘（僖公九年）公會齊侯宋公陳侯衛侯鄭伯許男曹伯于鹹（僖公十有三年）春王正月公敗齊師于長勺（莊公十年）冬公會齊侯盟于柯（莊公十有三年）公子遂如楚乞師（僖公二十有六年）冬十月甲午叔孫得臣敗狄于鹹（文公十有一年）五月公及諸侯盟于皋鼬（定公四年）

禮記

天子視學大昕鼓徵所以警衆也衆至然後天子至乃命有司行事興秩節祭先師先聖焉 故禮也者義之實也協諸義而協則禮雖先王未之有可以義起也義者藝之分仁之節也協於藝講於仁得之者強仁者義之本也順之體也得之者尊 大樂與天地同和大禮與天地同節和故百物不失節故祀天祭地明則有禮樂幽則有鬼神如此則四海之內合敬同愛矣 采蘋者樂循法也采芣者樂不失職也

第二場

論

文王望道未見

詔誥表（內科一道）

擬漢令禮官勸學詔（元朔五年） 擬唐以裴度爲中書侍郎同平章事誥（元和十年） 擬輔臣進文武職名御屏表（萬曆二年）

判語（五條）

官員赴任過限 人戶以籍爲定 致祭祀典神祇 軍民約會詞訟 修理橋梁道路

第三場

策（五道）

問 帝王所以保命凝圖而建無疆之治者莫大於敬天莫要於勤民典謨訓誥所載尚矣我太祖高皇帝受天明命肇造函夏登極之初首舉郊禋乃有感而作存心錄以垂訓萬世又詔有司均節財用蠲除租稅至形之訓諭者每不一而足列聖相承益隆繼述如成祖文皇帝之聖學心法世宗肅皇帝之欽天記頌并勤恤元元者焜耀日星可得而指陳之與我皇上縱聖神嗣服以來欽崇天道子惠困窮者至矣乃於去歲躬舉南郊之典聖敬昭格且嘉納輔臣所進郊禮圖冊邇戒有司之虛飾憫小民之失所聖諭復惓惓焉一念敬天勤民足以光紹二祖而匹休世宗矣爾諸士涵濡聖化有年其悉心揚厲以效忠悃于萬一將藉以轉聞于上

問 聖人法天立政必備一代之典制以昭示臣民唐虞而上無論已周公夾輔成王始作周禮經綸精悉後世稱君臣明聖者必歸焉下此掌故之設

會要之編代有作者然治化未光自難垂範於後也洪惟我太祖高皇帝神聖御天貽謀深遠創製諸司職掌一書列聖世守海內治平嗣我孝宗敬皇帝熙明撫揮加志經制編摩大明會典傳布中外不知二書意義亦有相合乎與抑各有所仿與其中宏綱細目可得而聞與修輯頒行歷更歲時可得而殫述與世宗肅皇帝續承先志兩議增續然止及會典而不及職掌何與茲者皇上聰睿天授明哲作輔媲美成周此其會也乃於朝講之暇宣賁綸音重修會典然繼述之中萬化裁之道不知因革損益何者爲最要與我皇上之注意此書者其亦有所本與願詳敷陳以鳴國家之盛

問 天下元元之命係於守令蓋所使承流宣化者也任顧不重與守合稱良惟漢世爲盛然稽前史所載僅僅數人可指而言之與夫吏以良稱宜有奇政可紀而考其所敘述惟曰謹身率先廉平不苛好爲民興利若斯而已至於投巫鄴水鋤筒發奸三異徵奇五禱咏德者顧不得與循吏并傳何與豈當時所稱者專於敦本務實而奇蹕非所尚與我國家重守令之選嚴六事之責法至詳矣隆卓異之賞厲不職之罰意至勤矣宜乎循良之風比迹兩漢然猶澤不下究民或愁嘆而治效罔臻焉豈吏未盡良而設施之□多飾虛聲與夫悃悞者難知粉飾者易售茲欲崇實政而黜虛文似又不專在有司也所以精其藻鑒握其權衡者伊誰之責與諸士將出而膺是寄者願悉陳所見以觀用世之學

問 利莫大於裕國阜民錢法之興昔人謂先王以守財物以御人事而平天下乃美利之自然也自莊山竇開九府軌立繼是作者紛紛而議者亦人人殊焉有欲弛盜鑄之禁者有獨專私鑄之利者有下更鑄之令者有罷鑄錢之官者有聽民鑄大錢者有縱民日銷錢者可得而言其概與抑孰得而孰失與夫私鑄與大錢不便固也變而爲半兩榆莢再變而爲當千鵝眼等類將以何者爲適中與七福四美惜銅愛工之說似爲謀議之當可舉而行之與夫錢以泉稱必其流通不滯稽古司市外府泉府之掌出入皆自官導之而民爭趨利厥後皮幣飛錢天下病焉錢之行阻果在上而不在下與方今下鼓鑄之令以貽萬世之利古錢當以何代爲準制錢當以何式爲則必如何而後可并行不悖與幸詳言之勿讓勿略

問 江西距山匯湖當吳楚閩粵之交古重地也國家二百年餘其間經略制置爲地方計治安者良既密矣但桑土之徹亦不可不講也試與諸生籌之寧新之間重岡複嶺夙稱盜藪矣邇建議搜獮分憲臣以彈壓之誠足以杜竊發也然嘯聚之徒每乘間焉絕其萌孽何以處之黃鄉之洞盤據巢穴久逞

桀驚矣邇計處葉首設縣治以控制之誠足以綏黨與也然反側之輩或生心焉圖其善後何以施之鄱湖匯合三江延袤廣矣而波濤瀾漫匿奸者能逆其不掠商航乎詰其盜階以肅湖防其策安在九江雄據上游連接遙矣而舸艦出沒操舟者能保其悉爲良民乎發其隱伏以靖江皋其術安施夫三營并列衛所隸分將領非不備也聯以追胥募以精常戎兵非不足也卒然有警果足恃與說者以爲盜之未弭由於保甲之未嚴然與否與或者猶欲專責之守令其說然與諸生抱董賈之策將志於匡時矧桑梓邦乎願明言之無隱

中式舉人九十五名

- | | | | |
|-------|-----|---------|----|
| 第一名 | 王命爵 | 吉安府學生 | 易 |
| 第二名 | 江楫 | 臨川縣學附學生 | 詩 |
| 第三名 | 傅一元 | 九江府學生 | 書 |
| 第四名 | 毛志尹 | 南昌府學生 | 春秋 |
| 第五名 | 陳良材 | 瑞州府學生 | 禮記 |
| 第六名 | 劉士翹 | 吉安府學附學生 | 易 |
| 第七名 | 甯遵 | 南城縣學附學生 | 詩 |
| 第八名 | 朱益隆 | 建昌府學生 | 書 |
| 第九名 | 王尚賓 | 南昌府學生 | 易 |
| 第十名 | 鄒啓元 | 宜黃縣學生 | 詩 |
| 第十一名 | 王德新 | 安福縣學生 | 春秋 |
| 第十二名 | 徐君興 | 南昌府學附學生 | 易 |
| 第十三名 | 袁仕銳 | 豐城縣學附學生 | 詩 |
| 第十四名 | 樂繼同 | 新建縣學附學生 | 書 |
| 第十五名 | 丘一鵬 | 寧都縣學生 | 易 |
| 第十六名 | 譚一召 | 南安府學生 | 禮記 |
| 第十七名 | 劉應元 | 撫州府學附學生 | 詩 |
| 第十八名 | 章邦翰 | 南昌縣學附學生 | 易 |
| 第十九名 | 彭而珩 | 臨江府學生 | 詩 |
| 第二十名 | 李春華 | 廣昌縣學附學生 | 書 |
| 第二十一名 | 張璧 | 萬載縣學生 | 易 |

- 第二十二名 熊秉衡 豐城縣學附學生 詩
- 第二十三名 李大欽 浮梁縣學增廣生 易
- 第二十四名 游圻 豐城縣學附學生 詩
- 第二十五名 管象章 吉安府學附學生 書
- 第二十六名 曾可東 廬陵縣學生 易
- 第二十七名 湯仲尹 南豐縣學附學生 詩
- 第二十八名 謝邦棟 吉安府學生 易
- 第二十九名 饒伸 進賢縣學附學生 詩
- 第三十名 許汝魁 湖口縣學附學生 春秋
- 第三十一名 孫光祚 湖口縣學附學生 書
- 第三十二名 龍瑞應 吉水縣學增廣生 易
- 第三十三名 周國庠 建昌縣學生 詩
- 第三十四名 廖同春 泰和縣學生 易
- 第三十五名 黎憲臣 南昌府學增廣生 詩
- 第三十六名 胡麗明 安福縣學附學生 易
- 第三十七名 陳以躍 泰和縣學附學生 書
- 第三十八名 陳邦科 高安縣學增廣生 禮記
- 第三十九名 劉仕瞻 南昌府學生 易
- 第四十名 劉曰淑 南昌縣學附學生 詩
- 第四十一名 劉雱 金谿縣學附學生 易
- 第四十二名 陳五禮 南豐縣學生 詩
- 第四十三名 謝繼志 寧都縣學生 易
- 第四十四名 程可達 廣永豐縣學附學生 書
- 第四十五名 曾洺 樂安縣學生 易
- 第四十六名 劉以中 安福縣學附學生 春秋
- 第四十七名 周以敬 新建縣學附學生 詩
- 第四十八名 周應雷 廬陵縣學附學生 易
- 第四十九名 袁業濂 宜春縣學生 詩
- 第五十名 鄒銘 湖口縣學生 書
- 第五十一名 方中和 浮梁縣學生 易
- 第五十二名 曾思孔 南豐縣學生 詩
- 第五十三名 徐文斗 彭澤縣學增廣生 易

- 第五十四名 劉德卿 寧州學生 詩
第五十五名 蕭宗禹 鄱陽縣學生 禮記
第五十六名 袁奎 豐城縣學附學生 易
第五十七名 羅相 新建縣學附學生 詩
第五十八名 曾時弘 贛州府學生 書
第五十九名 梁滂 泰和縣學增廣生 易
第六十名 張振葉 南昌縣學生 詩
第六十一名 蔡元相 弋陽縣學生 書
第六十二名 譚曰選 新建縣學生 易
第六十三名 廉靖 鄱陽縣學生 詩
第六十四名 劉春元 峽江縣學生 易
第六十五名 鄧煉 建昌府學增廣生 詩
第六十六名 王夢暘 廣信府學生 書
第六十七名 陳子貞 南昌府學生 詩
第六十八名 李希哲 宜黃縣學生 春秋
第六十九名 張守頤 南昌縣學附學生 易
第七十名 劉一瀾 撫州府學增廣生 詩
第七十一名 陸策 豐城縣學附學生 易
第七十二名 李九芳 南豐縣學增廣生 詩
第七十三名 陳秉浩 泰和縣學生 書
第七十四名 戴鏜 建昌縣學生 詩
第七十五名 鄭選 浮梁縣學生 易
第七十六名 張子理 萬安縣學生 禮記
第七十七名 彭同魁 貴溪縣學生 書
第七十八名 王賢卿 金谿縣學附學生 易
第七十九名 羅心堯 九江府學生 詩
第八十名 李教 吉水縣學附學生 易
第八十一名 程熙坎 都昌縣學增廣生 詩
第八十二名 廖邦介 奉新縣學生 書
第八十三名 鄔應元 南昌府學增廣生 易
第八十四名 方彭庚 新建縣學附學生 詩
第八十五名 樊韞 進賢縣學增廣生 易

- 第八十六名 謝一榘 安福縣學附學生 春秋
 第八十七名 余孝基 奉新縣學生 詩
 第八十八名 康夢相 吉安府學生 易
 第八十九名 羅萬程 廣昌縣學生 書
 第九十名 楊應祺 清江縣學生 易
 第九十一名 錢孔中 臨川縣學附學生 詩
 第九十二名 樂上應 東鄉縣學增廣生 書
 第九十三名 鄧宗 吉水縣學增廣生 易
 第九十四名 喻燭 南昌府學附學生 詩
 第九十五名 周世臣 金谿縣學附學生 書

第一場

四書

夫子循循然善誘人博我以文約我以禮欲罷不能既竭吾才如有所立卓爾

王命爵

同考試官教諭姚批（此作不浮不俗理致悠然得顏子歸功聖人之意宜錄以式）

同考試官教諭薄批（場中作此辭多纏繞唯此篇刊去陳言直說心髓別於騁浮蔓者矣）

考試官教諭鄭批（思深語到）

考試官學正馮批（精緻典雅取之）

大賢領聖教之善而因以見聖道焉夫博文約禮顏子所由以見乎道者也此聖人善誘之功所以爲大歟想顏子學既有得而歸功于夫子也若曰方吾抑鑽瞻忽之時將謂于夫子之道終無所見矣然不可企而及者道之妙也而其可循而入者教之善也文有不博或失則陋矣夫子則先博我以文焉凡所以廓吾間見之□者何不用也禮有不約或失則泛矣夫子則復約我以禮焉凡所以養吾德性之能者何不用也自博以之約而先後不紊由文以之禮而知行不偏夫子所以誘我者循循然矣夫理本悅心而復有得于夫子之教其機能自己乎回雖不敏而苟可以竭請事之力其功庸敢惰乎由是真積既久則躍如之妙自昭向之彌高彌堅者恍乎其有定象焉顧諟既專則參前之

機自著向之在前在後者儼然其有定體焉茲固回之竊以自幸者使非夫子誘我焉安能至是哉觀此而夫子之善教顏子之善學兩見之矣抑博約之教即虞書惟精惟一之旨此夫子所以得統于堯舜而授之顏子者也今之學者無見于知行之相須而強一之乃至混博約之序而廢格物之條得無以顏子之學如莊周之所謂墮體黜聰心齋坐忘者耶又焉在其為博文約禮耶

唯天下至誠為能化

江楫

同考試官教諭馮批（中庸義最難發揮此作體貼明透而詞更端莊宜錄以式）

同考試官教諭姚批（理精詞雅體正調高錄式多士）

考試官教諭鄭批（博大精深）

考試官學正馮批（善發題旨）

中庸舉思誠之極功而屬之至誠見其同歸也甚矣化非至誠不能為也致曲者而至于化不與至誠同歸哉中庸言人道也若謂誠之在人所入之途雖異所至之域則同致曲者積而至于能化矣是化也可以易能哉唯天下之至誠也天德之備于己者不貳不息既有以端化理之原斯王道之成于外者不識不知自足以致無為之治人心之同然者自吾得之則以吾之心通天下之心而不應僂志者熙如焉至誠不期于物之動而天下亦莫知其所以動矣天命之本然者自我全之則以我之天觸在人之天而於變時雍者翕如焉至誠不期于物之變而天下亦不知其所以變矣一性盡而人物之性兼成非強也誠精而應妙機固然也一誠立而天地之功幽贊非勉也誠感而神應道固然也非天下至誠其孰能與于斯夫唯至誠而始足以語化致曲者而至于化則亦不異於至誠矣孰謂天人不相及哉易曰聖人久于其道而天下化成信斯言也非天下至誠不能化至誠非久道亦豈易以化哉聖如堯舜豈不謂天下至誠而時雍從欲之治成于在位七十載之余紹堯之後則信乎化之必以漸也中庸語天地聖人之功用而終之以悠久有以也夫

堯以不得舜為己憂舜以不得禹皋陶為己憂夫以百畝之不易為己憂者農夫也分人以財謂之惠教人以善謂之忠為天下得人者謂之仁

傅一元

同考試官教諭段批（體製高古詞理渾融時義之絕佳者）